



Bou ons kinders vir môre

Sondagskool 2

Lestitel: Die Onse Vader (1)

'n Ouerhandleiding

Sondagskooltuisonderrig



Liewe Ouer

Welkom by die les: **“Die Onse Vader (1)”**

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Die Onse Vader (1)
Bybelwoord	Mattheus 6: 9-13
Lesdoelwit	Die kinders word die belangrikheid van die Onse Vader geleer sodat hulle dit ernstig kan bid.

Lesopsomming:

- Jesus en sy dissipels het deur die hele Galilea gereis om die mense te leer. Daar is oral oor sy wonderwerke gepraat, selfs ver buite die grense van Galilea.
- Hulle het opgegaan na 'n heuwel waar 'n groot menigte hulle gevolg het om meer van Jesus se belering te hoor.
- Jesus het met die mense gepraat, hulle aangespoor om 'n lewe wat God behaag te lei en hulle 'n baie belangrike gebed geleer: die Onse Vader.
- Jesus het gesê dat dit is hoe ons moet bid: **“Ons Vader wat in die hemele is, laat u Naam geheilig word; laat u koninkryk kom; laat u wil geskied soos in die hemel net so ook op die aarde; gee ons vandag ons daaglikse brood; en vergeef ons ons skulde, soos ons ook ons skuldenaars vergewe; en lei ons nie in versoeking nie, maar verlos ons van die Bose. Want aan U behoort die koninkryk en die krag en die heerlikheid tot in ewigheid. Amen.”**
- As ons *“Onse Vader wat in die hemele is”* bid, roep ons die Here aan. Hy luister dan na ons. Dit gebeur ook as ons tuis bid.
- *“Laat u Naam geheilig word”*: Hoe heilig ons God se naam? Ons bid met toe oë, buig ons hoofde en vou ons hande saam. Ons heilig God se naam wanneer ons nederig en met respek bid en sy wil doen. God is heilig en ons loof Hom. Die Here verhoor die gebede van sy kinders.
- *“Laat u koninkryk kom”*: Ons wil God se koninkryk binnegaan. Daar sal ons vir ewig gelukkig wees. Daarom probeer ons volgens Jesus Christus se voorbeeld leef. Hier op aarde streef ons daarna om die koninkryk van God binne ons te ontwikkel en vrede, liefde en gemeenskap te ervaar.



- “Laat u wil geskied, soos in die hemel net so ook op die aarde”: God se wil is dat alle mense gehelp moet word. Hy wil alle mense lei en seën. Jesus het volgens God se wil geleef en is ons voorbeeld.
- God wil almal op aarde help, of hulle nou ryk of arm, swart of wit is. Hy wil hê dat ons met vrede en gelukkig moet lewe, asof ons in die hemel is.

Wat beteken hierdie les vandag vir ons?

- Die Onse Vader is 'n waardevolle nalatenskap wat Jesus gegee het aan diegene wat in Hom glo.
 - Ons bid die Onse Vader voor Heilige Nagmaal en dit word deur die hele gemeente gebid.
 - Dit is 'n gebed wat ernstig gebid moet word. Dit is 'n uitdrukking van hartlike gemeenskap.
- Ons moet die Onse Vader ernstig en vurig bid en onthou dat God luister wanneer ons sy Naam in gebed aanroep. Moenie deel 2 van hierdie les mis nie.**

Sommige vrae wat ons kan vra:

1. Ken jy die Onse Vader uit jou kop?

Antwoord: Laat die kind antwoord en die gebed opsê.

2. Wat beteken dit as ons “Onse Vader wat in die hemele is” bid?

Antwoord: Ons roep die Here aan en Hy luister na ons.

3. Hoe kan ons God se naam heilig?

Antwoord: Ons kan sy Naam heilig deur nederig en met respek te bid en sy wil te doen.

4. Hoe sien jy die koninkryk van God, hoe sal dit daar wees en wat moet jy doen om in God se koninkryk in te pas? Laat die kind antwoord.

Antwoord: Daar sal ons vir ewig gelukkig wees. Ons sal in vrede, liefde en gemeenskap leef.



'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.